



Senin, 11 September 2023
Ogen: Jesaya 48:20



"Momoken Ku Belang-belang Doni"



Rencana Tuhan nandangi bangsa Israel kencana bangsa e ngiani tanah perpadanen eme jadi bangsa si mbelindingen ngaloken pasu-pasu; adina bangsa e patuh dengen ngikutken kerina undang-undang. Padan Dibata man bangsa e ituliskan nabi Jesaya "*Bicara patuh kam man perintahKU, tentu maler man bandu kemalemen ate desken lau; janah kemenangan ku kam nepet, desken galumbang si ergalun ku tepi lawit. Kesusurenndu pe bagi kersik teremna, janah Kujaga maka la masap'*".

Padan Dibata si si ituliskan enda, la terjeng tulisen ngenca tapi pe uga gelahna bangsa Israel si nggo ngaloken keselamatan dengen keterkelinen ermomo ku belang-belang doni kerna perbahanan Dibata si mbisa . Bangsa Israel la banci sinik ras terjeng ngenanamisa; tapi arus mpeseh berita man sekelewetna. Keselamatan dengen keterkelinen si ialoken erkiteken keleng ate Dibata nandangi bangsaNa. Berita si imomoken e eme berita kejuah-juahen; kemalemen ate; ras maba kesenangan. Tujunna segelah bangsa sideban pe ikut ngaloken berita keselamatan e jenari ngikutken Tuhan.

Jaman gundari enda pe kita selaku anak-anak pilihan Dibata arus ersaksi dengen ermomo kerna keleng ate Dibata; aminna pe agama minoritas i tengah-tengah negaranta enda. Hal enda la banci engkurangi semangatta guna tetap ersaksi i bas nehken kekelengen si nggo leben si aloken arah Dibata nari. Melala ingan ermomo subuk ku ja pape perlawesta. Bas jaman canggih enda banci si pakeken teknologi guna mempermudah dengen memperlancar dahin ermomo enda.